

御製律呂正義



卷一百十二
之一百十四

御製律呂正義後編卷一百十二

樂章考 鼓吹二

宋

金



宋鼓吹樂章

宋史曰。鼓吹者。軍樂也。昔黃帝涿鹿有功。命岐伯作凱歌。以建威武。揚德風。厲士諷敵。其曲有靈夔競。鵬鶚爭。石墜崖。壯士怒之名。周官所謂師有功則凱歌者也。漢唐以來。莫不沿尚。宋初因之。車駕前後部。用金鉦節鼓。擗鼓。大鼓。小鼓。鐃鼓。羽葆鼓。中鳴。大橫吹。小橫吹。鬻栗。桃皮鬻栗。簫笳笛歌導引一曲。又皇太子及一品至三品。皆有本品鼓吹。凡用樂工。歌六州十二時。每更三奏之。自天聖後。帝郊祀耕藉。皇太后謝宗廟。悉用正宮導引六州十二時。凡四曲。景祐中。

郊祀減導引第三曲。增奉禋歌。其後祫享太廟亦用之。大享明堂用黃鐘宮。增合宮歌。凡山陵導引靈駕。章獻章懿皇后。用正平調。仁宗用黃鐘羽。增昭陵歌。神主還宮。用大石調。增虞神歌。凡迎奉祖宗御容。并神主耐廟。悉用正宮。惟神宗御容赴景靈宮。改用道調。皆止一曲。熙寧中。親祠南郊。曲五。奏正宮。導引奉禋降仙臺。祠明堂。曲四。奏黃鐘宮。導引合宮歌。皆以六州十二時。永厚陵。導引警場。及神主還宮。皆四曲。虞主耐廟。奉安慈聖光獻皇后山陵。亦如之。諸后告遷升耐。上仁宗英宗徽號。迎太一宮神像。亦以一曲。

導引。率隨時定宮調。以律和之。政和中。議禮局言古者饒歌鼓吹曲。各異其名。以紀功烈。今所設鼓吹。唯備警衛而已。未有饒歌之曲。非所以彰休德揚偉績也。乞詔儒臣討論撰述。凡王師大獻。則令鼓吹具奏。以聳羣聽。從之。詔六州改名崇明祀。十二時改名稱吉禮。導引改名熙事備。紹興中。臣僚言國家大饗。乘輿齋宿。必設警場。肅儀衛而嚴祀事。樂工隸太常。歌詞。歌詞備三疊。累朝皆用之。比者郊廟行事。率代以鉦鼓。取殿司。夫軍旅祭祀。事既異宜。樂聲清濁。用以殊尚。鉦鼓鳴角。列於鹵簿中。所以示觀德之盛。宜詔

有司更製鼓吹樂工。以時閱習用之。淳熙中大閱。帝戎服而出。皇太子親王執政以下並從。諸將皆介冑乘馬導駕。軍器分衛前後。奏隨軍鼓管大樂云。

開寶元年南郊三首

導引

氣和玉燭。睿化著鴻明。緹管一陽生。郊禋盛禮燔柴畢。旋軫鳳凰城。森羅儀衛振華纓。載路溢歡聲。皇圖大業超前古。垂象泰階平。歲時豐衍九土樂升平。覩寰海澄清。道高堯舜垂衣治。日月並文明。嘉禾甘露登歌薦。雲物煥祥經。兢兢惕惕持謙德。未許禪云亭。

六州

嚴夜警。銅蓮漏遲遲。清禁肅。森陛戟。羽衛儼皇闈。角聲勵。鉦鼓攸宜。金管成雅奏。逐吹透迤。薦蒼璧。郊祀神祇。屬景運純禧。京坻豐衍。羣材樂育。諸侯述職。盛德服蠻夷。殊祥萃。九苞丹鳳來儀。膏露降。和氣洽。三秀煥靈芝。鴻猷播。史冊相輝。張四維。卜世永固丕基。敷元化。蕩蕩無爲。合堯舜文思。混並寰宇。休牛歸馬。銷金偃革。蹈詠慶昌期。

十二時

承寶運。馴致隆平。鴻慶被寰瀛。時清俗阜。治定功成。遐

邇詠由庚。嚴郊祀。文物聲明。會天正。星拱奏嚴更。布羽
儀簪纓。宸心虔潔。明德播惟馨。動蒼冥。神降享精誠。
燔柴半。萬乘移天仗。肅鑾輅旋衡。千官雲擁。羣后葵傾。
玉帛旅明庭。韶濩薦金奏。諧聲集休亨。皇澤浹黎庶。普
率洽恩榮。仰欽元后。睿聖貫三靈。萬邦寧。景貺福千齡。
真宗封禪四首

導引

民康俗阜。萬國樂昇平。慶海晏河清。唐堯虞舜垂衣化。
詎比我皇明。九天寶命垂不貳。雲物效祥英。星羅羽衛
登喬嶽。親告禪云亭。我皇垂拱。惠化洽文明。盛禮慶

重行。登封降禪。燔柴畢。天仗入神京。雲雷布澤徧寰瀛。
遐邇振歡聲。巍巍聖壽南山固。千載賀承平。

六州

良夜永。玉漏正遲遲。丹禁肅。周廬列。羽衛繞皇闈。嚴鼓
動。畫角聲齊。金管飄雅韻。遠逐輕颺。薦嘉玉。躬祀神祇。
祈福為黔黎。升中盛禮。增高益厚。登封檢玉。時邁合周
詩。元文錫。慶雲五色相隨。甘露降。醴泉涌。三秀發靈
芝。皇猷播史冊。光耀受鴻禧。萬年永固丕基。吾君德蕩
蕩巍巍。邁堯舜文思。從今寰宇。休牛歸馬。耕田鑿井。鼓
腹樂昌期。

十二時

聖明代。海縣澄清。惠化洽寰瀛。時康歲足。治定武成。遐
邇賀升平。嘉壇上。昭事神靈。薦明誠。報本禪云亭。俎豆
列犧牲。宸心蠲潔。明德薦惟馨。紀鴻名。千載播天聲。
燔柴畢。雲罕回仙仗。慶鑿輅還京。八神扈蹕。四隩來庭。
嘉氣覆重城。殊常禮。曠古難行。遇文明。仁恩蘓品彙。沛
澤被簪纓。祥符錫祚。武庫永銷兵。育羣生。景運保千齡。

告廟導引

明明我后。聖德合高穹。祇翼勵精衷。上真紫殿回飈馭。
示聖胄延鴻。躬承寶訓表欽崇。慶澤布寰中。告虔備物

朝清廟。荷景福來同。

奉祀太清宫三首

導引

穹旻錫祐。盛德日章明。見地平天成。垂衣恭己干戈偃。
億載祐黎甿。羽旄飾駕當春候。欵謁屆殊庭。精衷昭感
膺多福。夷夏保咸寧。聖君御宇。祇翼奉三靈。已偃革
休兵。區中海外鴻禧浹。恭館勵虔誠。九旒七萃著聲明。
後后狗輿情。丕圖寶緒承繁祉。率土仰隆平。

六州

千載運。寶業正遐昌。欽聖道。崇明祀。盛禮邁前王。鑿輅

動。萬騎騰驤。馳道紛綵仗。瑞日煌煌。奉祕檢。玉羽羣翔。
非霧滿康莊。躬朝真館。齋心釋思。順風俯拜。奠酒蕪蕭
薌。精忠達。飈輪降格。昭彰。回羽旆。駐雕輦。舊地訪睢
陽。享清廟。孝德輝光。屆靈場。星羅萬國珪璋。陳牲幣。金
石鏘洋。景福降穰穰。垂衣法坐。恩覃羣品。慶均海寓。聖
壽保無疆。

十二時

乾坤泰。帝壽遐昌。寓縣樂平康。真遊降格。寶誨昭彰。宸
蹕造仙鄉。崇妙道。精意齋莊。歛靈場。潔豆薦芬芳。備樂
奏鏗鏘。猶龍垂裕。千古播休光。極褒揚。明號洽徽章。

朝修展。春豫諧民望。覩文物煌煌。言旋羽衛。肅設壇場。
報本達蕭薌。申嚴祀。禮備烝嘗。荅穹蒼。純禧沾品彙。慶
賚浹窮荒。封人獻壽。德化掩陶唐。保綿長。錫祐永無疆。
亳州回詣玉清昭應宮一首

導引

秘文鏤玉。金閣奉安時。旌蓋儼仙儀。珠旒俯拜陳章奏。
精意達希夷。卿雲郁郁耀晨曦。玉羽拂華枝。靈心報祝
垂繁祉。寶祚永隆熙。

親享太廟一首

導引

躬朝太室。列聖大功宣。綵仗耀甘泉。祕文升輅空。歌發一路覆祥烟。珠旒薦獻極精虔。列侍儼貂蟬。穰穰降福均寰宇。垂拱萬斯年。

南郊恭謝三首

導引

重熙累盛。睿化暢真風。尊祖奉高穹。林焚綵仗明初日。瑞氣滿晴空。玉鑿徐動出環宮。虔鞞罄宸衷。禮成均慶人神悅。聖壽保無窮。

六州

承天統。聖主應昌辰。寶籙降。飈游至。瑞命慶惟新。崇大

號。仰奉高真。獻歲當初吉。天下皆春。謁秘宇。藻衛星陳。薌靄極紛綸。瓊編焜耀。仙衣綵繚。垂旒俯拜。薦獻禮惟寅。芬芳備精衷。上達穹旻。尊道祖。享清廟。助祭萬方臻。升泰時。縟典彌文。侍羣臣。漢廷儒雅彬彬。烟飛火舉。畢嚴禋。天地降氤氳。高臨華闕。恩覃動植。慶延宗社。聖壽比靈椿。

十二時

享嘉會。萬宇歡康。聖化邁陶唐。元符錫命。天鑒昭彰。徽號奉琳房。陳縟禮。獻歲惟良。耀旂章。翠輦駐仙鄉。睿意極齋莊。仙衣渥彩。玉冊共熒煌。芬芳飈馭降靈場。回

雲罕尊祖趨仙宇。金石韻鏘洋。聿朝清廟。躬奠瑤觴。報本國之陽。執邊豆。列飾貂璫。對穹蒼。洪恩霈夷夏。大慶浹家邦。垂衣紫極。聖壽保遐昌。集祺祥。地久與天長。

天書導引七首

詣泰山

我皇繼位。覆幬合穹旻。祕籙示靈文。齋居紫殿膺元貺。降寶命。氤氳奉符讓德。事嚴禋。檢玉陟天孫。垂鴻紀號光前古。邁八九爲君。靈臺偃武。書軌慶同文。奄六合。居尊。圓穹錫命垂真籙。清曉降金門。升中報本禪云云。嚴祀事。惟寅。無爲致治臻清淨。見反樸還淳。

詣太清宮

寶圖熙盛。登格聖功全。瑞命集靈篇。欽修祀典成明察。道祖降雲輶。賴鄉真館宅真仙。朝謁帝心虔。尊崇教父膺鴻福。綿亘萬斯年。

猶龍勝境。真宇儼靈姿。肅謁展皇儀。寶符先路嘉祥應。雲物煥金枝。紛紜紫節間黃麾。藻衛極葳蕤。高穹報貺延休祉。仁壽協昌期。

詣玉清昭應宮

紫霄金闕。重疊降元符。億兆祚皇圖。雲章焜耀傳溫玉。寶閣起清都。奉迓綵仗溢天衢。觀者競歡呼。明君欽翼

承鴻蔭。億載御中區。寶符錫祚。慶壽命維新。俄降格
飈輪。巍巍帝德增。虔奉懿親薦穹旻。精齋秘館奉嚴禋。
文物耀昌辰。升禋太乙修郊報。鴻祉介烝民。

詣南郊

聖神纘緒。赫奕帝圖昌。寶籙降穹蒼。宸心勵翼修郊報。
綵仗列康莊。祥烟瑞靄雜天香。管磬發聲長。升壇禮畢
膺繁祉。睿算保無疆。

建安軍迎奉聖像導引四首

玉皇大帝

太霄玉帝。總御冠靈真。威德聳天人。寶文瑞命符皇運。

綿遠慶維新。洞開霞館法虛晨。八景降飈輪。含生普洽
空鴻福。聖壽比仙椿。

聖祖天尊

至真降鑒。飈馭下皇闈。清漏正依依。範金肖像申嚴奉
仙館壯翬飛。萬靈拱衛瑞烟披。岸柳映黃麾。九清祚聖
鴻基永。堯德更巍巍。

太祖皇帝

元符錫命。祇受慶誠明。恭館法三清。開基盛烈垂無極。
金像儼天成。奉迎霞布甘泉仗。簫瑟振和聲。靈辰協吉
鴻儀畢。萬國保隆平。

太宗皇帝

膺乾撫運。垂慶洽重熙。元聖嗣鴻基。發揮寶緒靈仙降。
感吉夢先期。良金璀璨範真儀。精意荅蕃釐。闕宮神館
崇嚴配。萬祀播葳蕤。

聖像赴玉清昭應宮導引四首

玉皇大帝

先天氣祖。魄寶御中宸。列位冠高真。綠符錫瑞昭元聖。
寶歷亘千春。琳宮壯麗俯嚴闈。璇碧照龍津。珍金鑄像
靈儀睟。集福庇烝民。

聖祖天尊

仙宗靈祖。御氣降中宸。孚宥慶維新。國土鎔範成金像。
儀炳動威神。玉虛聖境絕纖塵。歡忭洽羣倫。導迎雲駕
歸琳館。恭肅奉高真。

太祖皇帝

石文應瑞。真主御寰瀛。慈儉撫羣生。巍巍威德超千古。
大業保盈成。神臯福地開恭館。靈貺日昭明。鑄金九牧
天儀睟。紺殿矗千楹。

太宗皇帝

乘雲英聖。千載仰皇靈。垂法藹朝經。禹金鎔範肖儀刑。
日角煥珠庭。琳宮翠殿鳳文屏。迎奉慶安寧。孝思瞻謁

薦惟馨。誠慤貫青冥。

奉寶冊導引三首

玉清昭應宮

太霄垂佑。綿寓洽祺祥。秘檢煥雲章。宸心虔奉崇徽號。茂典邁前王。霞明藻衛列通莊。寶冊奉琳房。都人震抃騰謠頌。億載保歡康。

景靈宮

明明道祖。金闕冠仙真。清禁降飈輪。遙源始悟垂鴻慶。億兆聳羣倫。虔崇徽號盛儀陳。寶冊奉良辰。拜家億載蒙繁祉。聖壽保無垠。

太廟

祖宗垂佑。亨會協重熙。德澤被烝黎。虔崇尊謚陳徽冊。藻衛列葳蕤。宸心致孝極孜孜。展禮詔台司。祥烟瑞靄浮清廟。綿宇被純禧。

治平四年英宗祔廟一首

導引

壽原初掩。歸蹕九虞終。仙馭更無蹤。思皇攀慕追來孝。作廟繼三宗。旌旗居外擁千重。延望想威容。寶輿迎引歸新殿。奏享備欽崇。

熙寧二年仁宗御容赴會聖宮奉安一首

導引

九清三境。飈馭杳難追。功烈並巍巍。洛都不及西巡到。猶識睟容歸。三條馳道隱金槌。仙仗共逶迤。珠宮紺宇。申嚴奉。億載固皇基。

章惠皇太后神主赴西京一首

導引

祥符盛際。二鄙正休兵。瑞應滿寰瀛。東封西祀鳴鑾輅。從幸見升平。仙遊一去上三清。廟食享隆名。寢園松柏。秋風起。簫吹想平生。

中太一宮奉安神像一首

導引

九霄仙馭。四紀樂西清。遊衍遍黃庭。雲軿萬里歸真室。上應泰階平。金輿玉像下瑤京。綵仗擁霓旌。天人感會。千年運。福祚永昌明。

四年英宗御容赴景靈宮奉安一首

導引

鼎湖龍去。仙仗隔蓬萊。輦路已蒼苔。漢家原廟臨清渭。還泣玉衣來。鳳簫鸞扇共徘徊。帳殿倚雲開。春風不向。天袍動。空繞翠輿回。

十年南郊皇帝歸青城導引一首

降仙臺

清都未曉。萬乘並駕。煌煌擁天行。祥風散瑞靄。華蓋聳。旗常建。耀層城。四列兵圍。燿火映金枝。翠旌衆樂。警作充宮庭。皦繹成。紺幄掀。袞冕明。妥帖壇陛。霄升振珩璜。神格至誠。雲車下冥冥。儲祥降嘏。莫可名。御端闕。盼敷號榮。澤翔施溥。茂祉均被含生。

元豐二年慈聖光獻皇后發引四首

儀仗內導引一首

駕斑龍。忽催金母。轉仙仗。去瑤宮。絳闕深沉。杳無蹤。漸塵空。絲網瓊林花似怨。東風垂清露。啼紅猶想舊春中。

獻萬壽。寶船空。

警場內三曲

六州

九龍輿。記春暮。幸蓬壺。瓊園敞。繡仗趨。年華與逝水俱。瑤京遠。信息斷無。寶津池面。落花鋪。秋晚容容字疑誤車來

禁塗。鳳簫鸞翠。西指昭陵去。舊賞蟠桃熟。又見漲海枯。應共靈真母。曳霞裾。宴清都。恨滿山隅。春城翠栢藏。烏扃戶。劍照燈魚。人間一夢覺餘。泉宮窈窕。鎖夜龍。銀江澄澹。浴仙鳧。烟冷金爐。玉殿虛。綠苔新長。雕輦曾行處。夜夜東朝月似舊。照錦疏。侍女盈盈淚珠。

十二時

治平時。暫垂簾。佑聖子。解危疑。坐安天下。踰歲厭。避萬
 機。退處宸闈。殿開慶養。志入希夷。扶皓日。浴咸池。看神
 孫撫御千載。重雍累熙。四方欽仰。洪慈陰德遠。仁功積。
 歡養罄九域。禮無違。事難期。乘霞去。乍觀升仙誥。下九
 圍。泣血漣如。更鸞車動。春晚霧暗翠旗。路指蒿伊。薤歌
 鳳吹。悠揚逐風悲。珠殿悄。網塵垂。空坐濕。濕字疑誤罔極。吾
 皇孝思。鏤玉寫音徽。彤管煒。青編紀。寧更羨周雅。播聲
 詩。

耐陵歌

真人地瑞。應待聖時。鞏原西。滎河會澗。洛與漚伊。衆水
 縈回。嵩高映抱。幾疊屏幃。秀嶺參差。遙山羣鳳隨。共瞻
 陵寢。浮佳氣。非烟朝暮飛。龜筮告前期。奠收玉笋。筵卷
 時衣。鸞輅曉駕。載龍旗。路透遲。鈴歌怨。畫翼引華芝。霧
 薄風微。真遊遠。閉寶閣。金扉。侍女悲啼。玉堦春草滋。露
 桃結子。靈椿翠。青車何日歸。銜恨望西畿。便一房鎖。夜
 臺曉無期。

虞主回京四首

儀仗內導引一曲

龍輿春晚。曉日轉三川。鼓吹慘寒烟。清明過後落花天。

望池館依然。東風百寶泛樓船。共薦壽當年。如今又到苑西邊。但魂斷香輶。

警場內三曲

六州

慶深恩。寶歷正乾坤。前帝子。後聖孫。援立兩儀軒。西宮大母朝寢母。望椒闥常溫。芳時媚景。有三千宮女。相將奉玉輦金根。上林紅英繁。縹緲鈞天奏梨園。望絕瑤池影。斷桃源。恨難論。開禁闥。春風丹旆翩翩。飛翠蓋。駕瑤輶。容衛入西原。管簫動地清喧。陵上栢煙昏。殘霞弄影。孤蟾浮天外。行人觸目是銷魂。問蒼天。塵世光陰去如

奔。河洛潺湲。此恨長存。

十二時

望嵩邙。永昭陵畔。王氣壓龍岡。鞏洛靈光鬱鬱起嘉祥。虛彩帟。轉哀仗。闕幽堂。歎仙鄉路長。景霞飛松上。珠襦宵掩細扇。晨歸崑閬茫茫。滿目東郊好。紅葩鬪芳。韶景空駘蕩。對春色。倍淒涼。最情傷。從輦嬪嬙。指瑤津路。淚雨泣千門。門字疑作行翠珥璫。曾憶薦瓊觴。春又至。人何往。事難忘。向斜陽斷腸。聽鈞天嘹亮。清都風細。朱欄花滿。誰奏清商。紫幄重簾外。時飄寶香。環佩珊珊響。問何日。反瑤房。

虞主歌

轉紫芝。指東都帝畿。愁霧裏。簫聲宛轉。輦路透迤。那堪見郊原芳菲。日遲遲。對列鳳翠龍旗。輕陰黯四垂。樓臺綠瓦。迥琉璃。仙仗歸。壽原清夜。寒月掩綸禕。翠幃瑯輪。空反靈螭。憇長岐。嵩峯遠。伊川渺瀰。此時還帝里。旌旛上下。葆羽葳蕤。天街迴。垂楊依依。過端闈。閭闔正。闕金扉。觚稜射暖暉。虞神寶篆散輕絲。空涕洟。望陵宮女。嗟物是人非。萬古千秋。煙慘風悲。

虞主祔廟儀仗內一首

導引

輕輿小輦。曾宴玉欄秋。慶賞殿宸遊。傷心處。獸香散盡。一夜入丹邱。翠簾人靜。月光浮。但半捲銀鈎。誰知道。桂華今夜。却照鵲臺幽。

五年景靈宮神御殿成奉迎一首

導引

新宮翼翼。鉅麗冠神京。金虬蟠繡楹。都人瞻望。洪紛處。陸海湧蓬瀛。仙輿縹渺下圓清。彩仗擁天行。煥黃珠幄。承靈德。錫羨永升平。

遷章獻明肅皇后御容赴景靈宮奉安一首

導引

九清雲杳。飈馭邈難追。功化盛當時。保扶仁聖成嘉靖。
彤管載音徽。天都左界抗華棖。仙仗下逶迤。寶楹黼帳
承神貺。萬壽永昌期。

八年神宗靈駕發引四首

導引

金殿晚。注目望宮車。忽聽受遺書。白雲縹緲帝鄉去。抱
弓空慕龍湖。瑤津風物勝蓬壺。春色至。望瑁輿。花飛人
寂寂。淒涼一夢清都。

六州

炎圖盛。六葉正協重光。應寶瑞。更法度。智勇超軼成湯。
昭回雲漢爛文章。震揚威武懾多方。生民帖泰擁殊祥。
封人祝頌。萬壽與天長。豈知丹鼎就。龍下五雲旁。飄然
真馭。游衍仙鄉。泣彤裳。伊洛洋洋。嵩峰少室相望。藏弓
劍。游衣冠。儔功盛德難忘。泉臺寂。魚燭熒煌。銀海深。鳧
鴈翱翔。想像平居謾焚香。望陵人散。翠栢忽成行。獨餘
嵩峯月。夜夜照幽堂。千秋陳跡淒涼。

十二時

珍符錫。佑啓真人。儲思在斯民。勤勞日升。萬物皆入陶
鈞。收威柄。更法令。鼎從新。東風吹百卉。上苑正青春。流
虹節近。衣冠玉帛。交奏嚴宸。萬壽祝堯仁。忽聽宮車挽

出。但號慕。瞻雲路。企龍鱗。窮天英。冠古精神。杳然上僚。
人空望。屬車巡。虛仗星陳。畫翬環擁龍輜。泉宮掩。帝鄉
遠。邈難親。反瑀輪。飛羽蓋。還渡天津。霧迷朱服。風搖細
扇。觸目悲辛。列嬪嬙。垂紅淚。浥行塵。相將問。何日下青
旻。

永裕陵歌

升龍德。當位富春秋。受天球。膺駿命。玉帛走諸侯。寶閣
珠樓臨上苑。百卉弄春柔。隱約瀛洲。旦旦想宸遊。那知
羽駕忽難留。八馬入丹邱。哀仗出神州。笳聲疑咽。旌旗
去悠悠。碧山頭。真人地。龜洛奧。鳳臺幽。繞伊流。嵩峯岡
那堪風點綴。柏城秋。

虞主回京四首

導引

上林寒早。仙仗轉郊圻。笳鼓入雲悲。逶迤輦路過西池。
樓閣鎖參差。都人瞻望意如疑。猶想翠華歸。玉京傳信
杳無期。空掩赭黃衣。

六州

承聖緒。垂意在昇平。驅貔虎。策豪英。號令肅天兵。四方

無復羽書征。德澤浸羣生。睿謀雄雋。絀漢高狹陋。慕三皇二帝。登閔緝樂綴文明。將升岱嶽告功成。玉牒金繩。騰寶飛聲。事難評。軒鼎就。清都一夢俄傾。飛霞佩。乘龍馭。羽衛入高。清。祥光浮動五色迎。鸞鳳雜簫笙。因山功就。同軌人至。銘旌畫。嬰行背重城。楚笳凝咽。漢儀雄盛。攀慕傷情。惟餘內傳。知向蓬瀛。

十二時

太平時。御華夷。躬聽斷。破危疑。春秋鼎盛。絀聲樂遊嬉。日昇繁機。長駕遠馭。垂意在軒羲。恢六典。斥三垂。有殊尤絕迹。盛德旁魄。周施。方將綴緝聲詩。擴皇綱。明帝典。紹累聖。重熙。高拱無爲。事難知。春色盛逼。千秋佳節。忽聞憑玉几。頒命影闈。厭世御雲歸。翔翠鳳。駕文螭。縹緲難追。侍臣宮女。但攀慕號悲。玉輪動。指嵩伊。龍鑣日益遠。空遊漢廟冠衣。惟盛德巍巍。鏤玉冊。傳青史。昭示無期。

虞神

復土初明。旌下儲胥。回虛仗。簫笳互奏。旌旆隨驅。豈知颺御在蓬壺。道縈紆。風日慘。六馬躊躇。留恨滿山隅。不堪回首。翠柏已扶疎。帝城漸邇。愁霧鎖天衢。公卿百辟。鱗集雲敷。迓龍輿。端門闢。金碧凌虛。此時還帝都。嚴清

廟入空時。升文物。粲爛極嘉娛。配三宗。號稱神。古所無。
帝德協唐虞。九歌畢奏斐然殊。會軒朱。神具燕喜。錫福
集皇居。更千萬祀佑啟邦圖。

神主祔廟一首

導引

歲華婉婉。侍宴玉皇宮。瑤輦出房中。豈知軒后丹成去。
望絕鼎湖龍。壽原初掩九虞終。歸蹕五雲重。惟餘寶冊
書鴻烈。清廟配三宗。

政和三年追冊明達皇后一首

導引

來嬪初載。令德冠層城。柔範藹微聲。熊罷夢應芳蘭郁。
佳氣擁雕楹。珠宮縹緲泛蓬瀛。脫屣世緣輕。空餘寶冊
光瓊玖。千古仰鴻名。

神主祔別廟一首

導引

柔容懿範。蚤歲藹層闈。蘭夢結芳時。秋風一夜驚羅幕。
鸞扇影空迴。榮追禕翟盛威儀。遺像掩瑤扉。春來只有
芭蕉葉。依舊倚晴暉。

奉安欽成皇后御容坤元殿一首

導引

雲輶芝蓋。仙路去難攀。海浪濺三山。重迎遺像臨馳道。還似在人間。西宮瑤殿。指坤元。璇榜聳飛鸞。移升寶殿。從新詔。盛典永流傳。

別廟一首

導引

蓬萊邃館。金碧照三山。真境勝人間。秋風又見芭蕉長。遺跡在人寰。雲軒一去。杳難攀。斑竹彩輿還。深宮舊檻。聞簫鼓。悵望慘朱顏。

高宗郊祀大禮五首

案鼓吹為軍旅之樂。蓋鼓角橫吹。起於西域。聖人

存之。以為軍旅之用。示不忘武備也。獨宋則用之郊廟中。然或偶一為之耳。至高宗後。則直以為郊祀大禮之用矣。以殷薦嚴配之事。而出以愷樂之歌。管體制。母乃褻歎。或曰。此南宋之警武備也。然考其時。張韓劉岳諸人。俱不得竟其志。則武備亦虛詞耳。今亦不復刪去。俾考古者有所鑒云。

導引

聖皇巡狩。清蹕駐三吳。十世嗣瑤圖。邊城不動干戈戢。文德溥天敷。灰飛緹室。氣潛嘘。郊見紫壇初。歸來赦令樓前下。喜氣溢寰區。

六州

雙鳳落。佳氣藹龍山。澄江左。清湖右。日夜海潮翻。因吉地。卜築園壇。宏基隆。陛級神位周環。邊陲靜。挂起棗鞬。奠枕海隅安。三年親祀。一陽初動。虔修大報。高處紫煙燔。看鳴鑾。鈞陳肅。天仗轉。朔風寒。孤竹管。雲和瑟。樂奏徹天關。嘉籙薦。玉奠瓊璠。奉神權。九霄瑞氣起祥烟。來如風馬歛然還。留福已滋繁。回龍馭。升丹闕。布皇澤。春色滿人間。

十二時

日將旦。陰暄潛消。天宇扇祥飈。邊陲靜謐。夜熄鳴刁。文

教普旁昭。興太學。多士舒翹。奉宗祧。新廟榜宸毫。配侑享於郊。慈寧萬壽。四海仰東朝。男女正。中壺致桃夭。年屢稔。漕舟銜尾夥。高廩接楹饒。廟堂自有擎天一柱功。比漢廷蕭。多少羣工同德。俊乂旁招。吉祥諸福集。燮理四時調。三年郊見。六變奏咸韶。望雲霄。降福與唐堯。

奉禮歌

蒼蒼天色是還非。視下應疑亦若斯。統元氣。覆無私。四時寒暑推移。物蕃滋。造化有誰知。嚴大報。反本始。禮重祀神祇。律管灰吹。黃宮動。陽來復。景長時。車陳法駕。仗列黃麾。帝心祇。紫霄霽。霜華薄。星爛明垂。祥烟起。紛敷

袞冕。六變笙鏞迭奏。一誠幣玉交持。宮漏聲遲。千官顯相多儀。百神嬉。風馬雲車。來止來綏。誕降純禧。受神策。萬年無極。歌頌昊天。成命周詩。

降僊臺

升煙旣罷。良夜未曉。天步下神邱。鏘鏘鳴玉佩。焯焯照金蓮。杳藹雲裘。綵仗初轉。回龍馭。旌旆悠悠。星影疎動。與天流。漏盡五更籌。大明升。東海頭。杲杲靈曜。倒影射旗旒。輦路具修。鬱葱瑞光浮。歸來雙闕看御樓。有僊鶴銜書赦囚。萬方喜氣均祉福。播歌謳。

孝宗郊祀大禮五首

導引

重華天子。長至奉神虞。九奏會軒朱。星暉雲潤東方曉。拜貺竹宮初。歸來千乘護皇輿。瑞景集金鋪。雞竿高唱恩書下。惠露匝中區。

六州

嚴更永。今夕是何年。玉衡正。鈞陳燦。天宇起祥烟。協風應。江海安瀾。重規仍疊矩。聖主乘乾。舜授禹。盛事光前。稱壽玉卮邊。三年親祀。一陽回律。八鄉承宇。觚陛紫爲壇。仰天顏。齋居寂。誠心肅。禮容專。鳴鐘石。擁輿衛。五輅列。駟聽金鑰。虎旅無眠。儼千官。須期顯相嘉籙。一人

儉德動天淵。費減大農錢。神示格。宗祧燕。人民悅。祉福正。縣縣。

十二時

庭有燎。疊鼓鳴鼉。更問夜如何。信星彪列。天象森羅。虞旦闕宮。畢觴清廟。漿柶樽犧。繼猗那。嘉頌可同科。扈聖萬肩摩。飭躬三宿。泰時縟儀多。丘澤合。嶽瀆從。羲和娥。神光燭。雲車風馬。芝作蓋。玉爲珂。奉璋承禮。燔柴竣事。休嘉。研隱丹闕。湛恩波。共願乾坤。隕祉。邊鄙投戈。覆盂連瀚海。洗甲挽天河。欣欣喜色。長遇六龍過。奏雲和。三春薦嘉禾。

奉禮歌

吹葭緹。籥氣潛分。雲采宜書。壤効珍。長日至。一陽新。四時玉燭和均。物欣欣。化轉洪鈞。郊之祭。孤竹管。六變舞雲門。自古嚴禋。犧牲具。粢盛潔。豆籩陳。袞龍陟降。幣玉紛綸。徹高閭。靈之旂。神哉旆。排歷昆侖。九歌畢。盈郊瞻。熙燎。斗轉參橫。將旦。天開地闢。如春。清蹕移輪。闐然鼓吹相聞。籥祥雲。驩臚八陛。釐迓三神。聖矣吾君。華封祝。慈宮萬壽。椒掖多男。六合同文。

降僊臺

漏殘柝靜。雞聲遠到。高燎入層霄。雲裘蟠瑞靄。天步下

嘉壇旗旂飄搖黃麾列仗。貔貅整氣壓江湖。導前從後盛官僚。玉佩間金貂。望扶桑。日漸高。陰霾霜雪。底處不潛消。輦路祥飈披拂絳紗袍。雲間端闕仰岩堯。挾春澤。喜浹黎苗。禮成大慶。鼇三抃。受昕朝。

寧宗郊祀大禮四首

六州

皇撫極。明德貫乾坤。信星列。卿雲爛。輝亘紫微垣。思報
貺。明詔祠宮。練時蒐曠典。紫時觚壇。昭孝德。親御和鑾。
振鷺玉珊珊。精純謁款。管蕭燼煬。黃流湛澹。百末布生
蘭。扣天闈。延飛駕。相彷彿。降雲端。神光集。嘉嚮應。靄靄
永尊安。

十二時

宵景霽。河漢清夷。曠典講明時。合祛升侑。孝德爰熙。陳
裸闕宮。澹觴太室。來奏天儀。駟蒼螭。玉輅馭。蕤綬觚陛
展躬祠。長梢飾玉。翠羽秀金支。華始倡。雅韻出宮垂。神
來下。雲車風馬。繽晻靄。宴棲遲。畢觴流昨。柴煙竣事棠
黎。廻謁宣室。受蕃釐。盛德無心專饗。端爲民祈。雲恩有
截。雨澤沛無涯。君王愉樂。飴氣溢瑤卮。壽天齊。長擁神

基。

奉禮歌

葭飛璇籥孕初陽。雲絕清臺薦景祥。風應律。日重光。歲
功順。底金穰。壽而康。庭壺樂無疆。皇展報。新禮樂。觚陛
詠賓鄉。珠幄煥黃。登瑞縑。陳俎豆。澹嘉觴。袞衣輝煥。寶
佩琳瑯。奠椒漿。慶陰陰。神來下。鳳翥龍驤。靈燕喜。錫符
仍降嘏。鏞管琳瑯。懽亮神之出。祇蘭堂。輦路天香。輕煙
半襲旂常。祉滂洋。受釐宣室。返馭齊房。恩與風翔。華封
祝。皇來有慶。八荒同壽。寶歷無疆。

降僊臺

星芒收采。雲容放曉。羲馭漸陽明。觚壇竣事。霽風襲。袞
衣輕。鑿路塵清。甘泉鹵簿。祓威肅。回軫旋衡。千官導從
粲簪纓。鈞奏間韶英。瞻龍闈。近鳳城。都人雲會芬菲。夾
道懽迎。宸極尊榮。卮玉慶熙成。瓊樓天上起和聲。布春
澤。洪暢寰瀛。嵩呼萬歲。鼇三抃。頌昇平。

明堂大禮四首

合宮歌

聖明朝。曠典乘秋舉。大饗本仁祖。九室八牖四戶。敕躬
齋戒格堪輿。盛牲實俎並侑。總稽古。玉露乍肅天宇。冰
輪下照金鋪。燎烟噓。鬱尊香。雲門舞。髣髴翔。坐靈心。咸

嘉娛衆星俞。美光屬照煥珠。清曉御丹鳳。湛恩徧浹率。溥歡聲雷動。嶽鎮呼。徐命法駕。萬騎花盈路。萬姓齊祝。壽同天地。事超唐虞。看平燕雲。從此與文偃武。待重會諸侯舊東都。

六州

商秋肅。嘉會協中辛。涓路寢修禋祀。聖德昭清。端志慮。罄竭齋精。錦繡排天仗。羽衛繽紛。朝太室。返中宸。被袞接神明。時平天地俱清宴。兼金行。萬寶物盛藹清馨。瞻煥座春容。嫉燕三靈。奠瑤爵。薦量幣。清思窈冥冥。望崑崙。輸嘉祥。塞網緼。誠殫禮洽慶休成。潤澤被生民。端門肆肯。昕庭稱賀。俱將戩穀。萬壽祝明君。

十二時

炎圖鞏。天祚昌期。聖德茂重離。英明經遠。濬哲昭微。寶儉更深慈。觀萬國累洽重熙。對時報禮秩神祇。玉帛奏華夷。肅雍顯相。百辟盡欽祇。奄嘉虞英。璧奠華滋。神安坐。景氣澄虛。極光燄。燭長麗。展詩應律。萬舞逶遲。三獻洽皇儀。垂靈祲。慶祐來宜。禮無違。鳴鑾臨帝闕。飛鳳下天倪。清和寰宇。霈澤一朝馳。醇化無爲。萬祀鞏丕基。

導引

合宮親饗。青女肅長空。精意與天通。后皇臨顧誰爲佑。

文祖暨神功。函蒙祉福歲常豐。聲教被華戎。兩宮眉壽同榮樂。戩穀來崇。

乾道發太上皇帝太上皇后冊寶一首

導引

重華真主。晨夕奉庭闈。禋祀慶成時。乾元坤載同歸美。寶冊兩光輝。斑衣何似赭黃衣。此事古今稀。都人歡樂嵩呼震。聖壽總天齊。

淳熙發太上皇帝太上皇后冊寶一首

導引

新陽初應。樂事起彤庭。和氣滿吳京。帝家來慶東皇壽。

西母共長生。金書玉篆燦龍文。前導沸懽聲。脩齡無極名無盡。一歲一回增。

加上太上皇帝太上皇后冊寶一首

導引

皇家多慶。親壽與天長。德業播輝光。焜煌寶冊來清禁。玉篆映金相。庭闈尊奉會明昌。佳氣溢康莊。洪禧申輯名增衍。億載頌無彊。

恭上壽聖皇太后至尊壽聖皇帝壽成皇后尊號冊

寶一首

導引

御製律呂正義 編 卷之三
皇家盛事。三殿慶重重。聖主極推崇。瑤編寶列相輝映。
歸美意何窮。鈞韶九奏度春風。彩仗煥儀容。懽聲和氣
彌寰宇。皇壽與天同。

加上壽聖皇太后尊號冊寶一首

導引

重親萬壽。八秩衍新元。禮典備文孫。溫溫和氣迎長日。
寶冊煥瑤琨。徽音顯號自堯門。德行已該存。更期昌算
齊箕翼。愈久愈崇尊。

嘉泰二年加上壽成太皇太后冊寶一首

導引

思齊文母。盛德比姜任。擁佑極恩深。湯孫歸美熙鴻號。
鏤玉更纒金。虞庭萬辟萃華簪。法仗儼天臨。層闈慶典
年年舉。千古播徽音。

親耕藉田四首

導引

春融日暖。四野瑞烟浮。柳莞更柔柔。土膏脉起條風扇。
宿雪潤田疇。金根轂轉如雷動。羽衛擁貔貅。扶攜老稚
康衢滿。延跂望凝旒。斗移星轉。一氣又環周。六府要時
修。務農重穀人胥勸。耕藉禮殊尤。壇壝嶽峙文明地。黛
耜駕青牛。雍容南畝三推了。玉趾更遲留。

六州

昭聖武。不戰屈人兵。干戈戢。烽燧息。海宇清寧。民豐業。
歌詠昇平。願咸歸畝。力穡爲疇。經界正。東作西成。農
務軫皇情。躬親耒耜。相勸深耕。人心感悅。擊壤沸歡聲。
乘鸞輅。羽旗綵仗鮮明。傳清蹕。行黃道。緹騎出重城。仰
瞻日表映朱紘。環佩更鏘鳴。百執公卿。不辭染履意。專
精。準擬奉粢盛。田多稼。風行遐邇。家家給足。胥慶三登。

十二時

臨寰宇。恭已巖廊。屬意在耕桑。愛民利物。德邁陶唐。躋
俗盡淳龐。開千畝。帝藉神倉。舉彝章。祇祓壇場。爲農事

祈祥。涓辰行禮。節物值春陽。罄齋莊。明德薦馨香。宮禁
邃。嬪妃並御侍。種稔獻君王。中闈表率。陰教逾光。帳殿
靄煥黃。桂柢設。翠幕高張。慶雲翔。罇罍陳酒醴。金石奏
宮商。神靈感格。歲歲富倉箱。慶明昌。行旅不齎糧。

奉禮歌

吾皇端立太平基。奉祀肅雍格神祇。撫御耦。降嘉種。何
辭手攬洪縻。命太史視日。祇告前期。驗穹象。天田入望
更光輝。掌禮陳儀蒐鉅典。迎奉令。頒宣溫詔遍九圍。人
盡熙熙。仰明時。儼垂衣。佳氣氤氳表龐禧。豐年屢。大田
生異粟。含滋吐秀。九種傳圖。盡來丹闕。瑞應昌時。亨運

正當攝提。佇見詠京坻。躬稼穡。重耘耔。盛禮興。行先百姓。崇本業。憂勤如禹稷。播在聲詩。

顯仁皇后神主祔太廟一首

導引

返虞長樂。猶是憶賓天。何事駕仙輶。簫笳儀衛辭宮闕。移仗入雲烟。於皇清廟敞華筵。昭穆謹承先。千秋長奉烝嘗孝。永享中興年。

景靈宮奉安神御一首

導引

中興復古。孝治日昭鴻。原廟飾瑰宮。金碧千門礚萬礪。

楹桷競穹崇。亭童芝蓋擁旌龍。列聖儼相從。共錫神孫千萬壽。龜鼎亘衡嵩。

淳熙十六年高宗神御奉安一首

導引

中興揖遜。功德仰兼隆。仁澤被華戎。鼎湖俄痛遺弓墮。日日想威容。柔嘉懿範與堯同。飈馭儼相從。靈宮真館借來燕。垂裕永無窮。

紹興五年孝宗皇帝虞主還宮一首

導引

孝宗純孝。前聖更何加。高蹈處重華。丹成仙去龍輻遠。

越岸暮山遐。波神先爲捲寒沙。來往護靈槎。九虞禮舉
神祇樂。萬世佑皇家。

耐廟一首

導引

吾皇盡孝。宗廟務崇尊。鉅典備彌文。巍巍東向開基主。
七世耐神孫。追思九閏整乾坤。寰宇慕洪恩。從今密邇
高宗室。千載事如存。

寧宗皇帝神主耐廟一首

導引

中興四葉。休德繼昭清。王度日熙平。氣調玉燭金穰應。

八表頌聲騰。中原圖籍入宸廷。列聖慰真靈。袞龍登廟
遊仙闕。億萬載尊承。

寶慶三年奉上寧宗徽號一首

導引

中興五葉。天子肇明禋。一德格高旻。寧皇至聖功超古。
萬國慕深仁。徽稱顯號又還新。功德祭雕珉。乾坤繪畫
終難盡。遺澤在斯民。

金鼓吹樂章

按遼史樂志。載前後部鼓吹。而無其辭。又載前部大
橫吹。後部小橫吹。與鼓吹分部同用。其辭亦無聞焉。

元史載樂章略備。而於鼓吹橫吹亦未之及。今皆從前史闕之。惟金史載鼓吹數章。錄以備考。按金之武功競矣。初拒遼。後敵宋。所向披靡。宜其矢為饒歌。為立馬吳山之詠也。乃觀其鼓吹諸曲。特以誌臨幸迴鑾之事。而無一語及武功。亦可見金之不自滿假。不侈戰功焉。其撫有大河以北。而據有山前山後諸州。以斷宋遼之臂。而制其命也。豈偶然哉。

天眷三年九月駕幸燕京一曲

導引

無射宮

五年一狩。仙仗到人間。問稼穡艱難。蒼生洗服秋光裏。今日見天顏。金戈玉斧臨香火。馳道六龍閑。歌謠到處皆相似。天子壽南山。

天德二年三月祫享迴鑾一曲

導引曲

禮成廟享。御衛拱飛龍。諸道起祥風。太平天子多受福。孝德與天通。鳳簫龍管韶音奏。聲在五雲中。粲然文物昭治世。萬億禳無窮。

貞元元年三月駕幸中郎一曲

導引曲

姑洗宮

鑿輿順動。嘉氣滿神京。輦路宿塵清。鈞陳萬旅隨天仗。
縹緲轉霓旌。都人望幸傾堯日。鼇抃溢歡聲。臨歡八極
辰居正。寰宇慶昇平。

采茨曲

新都春色滿。華蓋定全燕。時運千齡協。星辰五緯連。六
龍承曉日。丹鳳倚中天。王氣盤山海。皇居億萬年。

貞元三年十一月祫享回鑾曲

采茨曲

慶成迴大駕。仙仗紫雲深。龍袞輝千騎。嵩呼間八音。太

平興縟禮。萬國得歡心。孝格迎遐福。穰穰永降臨。

正隆六年六月駕幸南京曲

並林鐘宮

導引曲

神宮壯麗。宮殿壓蓬萊。向曉九門開。聖明天子初巡幸。
遙駕六龍來。五雲影裏排仙仗。清蹕絕纖埃。都人齊唱
昇平曲。更進萬年盃。

采茨曲

雙闕層雲表。澄景開清曉。六龍天上來。馳道平如掃。虞
巡五載合。夏諺一遊同。都人欣豫意。寫入頌聲中。

大定三年十月祫享廻鑾曲

導引二曲

並應鐘宮

大宮崇列考。大禮慶初成。綵仗迴雲步。天階嚴蹕聲。舜宮合至孝。周頌詠維新。介福應穰簡。歡交萬國情。禮行清廟華。黍薦年豐。聖孝與天通。六龍迴馭千官衛。玉振珮環風。黃麾金輅嚴天仗。霏霧鬱葱葱。工歌迭奏升平曲。福祿自來崇。

大定二十七年三月皇太孫受冊謝廟

導引曲

璿源濬發。衍慶自靈長。聖運日隆昌。震闈顯冊崇彝典。基緒煥重光。揀時廟見嚴昭報。禮樂粲成章。精誠潛格神明助。福祿永無疆。

御製律呂正義後編卷之一百十三

度量權衡考一

國朝制度

